

Fundargerð 2. skólaráðsfundar

Mætt á fund: Magnús, Guðrún, Bára, Erna, Valla, Ólafur, Guðbjörg og Lilja.

Starfsáætlun

Farið var yfir starfsáætlun og nokkur atriði lagfærð og rædd m.a. að nafn Ólafs var tvisvar sett undir skólaráð en vantaði nafn Lilju.

Einnig var gerð athugasemd um þau atriði sem voru í vinnslu. Jafréttis- og mannréttindaáætlun er lokið, aðeins yfirlestur eftir. Einnig þarf að skoða starfáætlun skólaráðs og passa að foreldrafélagið kjósi sinn fulltrúa að vori. Spurt var um grænfánann en Seljaskóli hefur ekki endurnýjað hann, vegna anna í öðrum verkefnum. Einnig vantar orð um hlutverk bekkjarfulltrúa. Einnig var óljóst varðandi hvort og hvaða árgangur tæki að sér verkefni foreldrafélagsins varðandi jólaföndur. Nokkrar stafsetningavillur eru í starfsáætlun sem fara þarf yfir.

Athugasemd kom varðandi sundtíma en Seljaskóli fær afgangstíma í tveimur sundlaugum Breiðholts, yngri nemendur ganga yfir í Öldusel en eldri nemendur fara í rútu í Breiðholtsslaug.

Starfsáætlun var samþykkt en alltaf er opið er fyrir frekari athugasemdir ef þær vakna.

Samræmd próf

Farið var yfir helstu niðurstöður samr. prófa og er Seljaskóli að ná þeim markmiðum sem hann setti sér í íslensku en vantar upp á að það náist í stærðfræðinni. Mikilvægt er að skoða ekki bara meðaltöl heldur líka dreifingu. Topparnir þurfa að ná sér á strik. Í skólastarfinu er hver námsþáttur skoðaður fyrir sig og farið yfir niðurstöður hvers og eins. Ef þörf þykir er endurraðað t.d. inn í sérkennslu. Framfarastuðull milli 4. og 7. bekk var góður. Sjálfsmatskýrsla kemur inn á nýjan vef Seljaskóla.

Lesskimun í 2. bekk

Náum markmiðum okkar þar. Skýrslan fer inn á nýjan vef Seljaskóla

Ytra mat

Magnús ætlar að senda handbók um ytra mat til fulltrúa skólaráðs en Seljaskóli verður tekin út eftir áramót. Röðin var komin að skólanum 2016 en er kominn á áætlun aftur. Ytra mat er á fimm ára fresti.

Önnur mál:

- Tíð veikindi eru hjá starfsmönnum, sum álagstengd og vantar okkur tvær stöður kennara frá áramótum, eina stöðu núna og er endurnýjuð auglýsing í gangi. Einnig eru veikindi meðal skólaliða og ræsting keypt aukalega af Sól. Stuðningsfulltrúi var ráðinn í hlutastarf til að mæta þörf fram að áramótum. Áhyggjur eru af því að nemendur sem það þurfa fái ekki sinningu en það gæti aukið á geðrænan vanda í þjóðfélaginu. Einnig ef að námshópar

séu of stórir og úrræði fyrir nemendur vantar, og aðbúnaður í kennslurýmum ekki endurnýjaður þá verður erfiðara að fá starfsmenn til að vinna í Seljaskóla.

- Það er erfitt að átta sig á rauntölu skólans í fjármálum en í raun erum við í ráðningabanni. Raun rekstraráætlun liggur ekki fyrir en búið er að kalla eftir sundurliðun og frekari útskýringum frá borginni. Dregið hefur verið úr list- og verkgreinakennslu og einnig eru bekkir fjölmennir.
- Smíðastofa er óheilnæm. Athugasemdir hafa komið frá brunaeftirliti og heilbrigðiseftirliti þó ekki þannig að stofunum sé lokað. Til er teikning af list- og verkgreinastofum í húsi 1 (skrifstofuálmú) og að skrifstofur yrðu færðar hér innan hús þannig að fermetrarnir nýttust betur. Borgin hefur alltaf sagt að ekkert yrði endurnýjað eða gert við smíðastofuna fyrr en hún flytur í annað húsnæði. Samt sem áður var verið að ganga frá lóð þar í kring og málað yfir veggjakrot.
- Kennarar á unglíngastigi ætla að vinna betur verklag í kringum verkefnaskil og ástundun nemanda. Til dæmis ef að mætingu er ábótavant í fag og verkefnaskil slæm þá er ekki hægt að búast við mati í viðkomandi fagi. Einnig að skerpa á því að þegar sótt er um leyfi fyrir börnin sín þá er það leyfi frá skólasókn en nemendur og foreldrar beri ábyrgð á því að náminu sé sinnt í leyfum. Þegar verklagið er tilbúið verður það lagt fyrir skólaráð.
- Rætt var um að þbs væri ekki lengur nógu sýnilegt en vonandi verður það til bóta. Starfsdagur í vikunni verður tileinkaður Sáttinni en starfsfólk verður á námskeiði Kvan, hjá Vöndu Sigurgeirsdóttur.

Fundarritari Bára Birgisdóttir